


十二

小雅 三十二之四

萃至六月



十三

白雲書庫

六家詩名物疏卷三十二

松坡圖書館藏

海虞馮復京嗣宗輯著

小雅鹿鳴之什一

鹿鳴篇

苹

傳云。苹。萍也。○夏小正。七月。湟潦生萍。○周書曰。穀雨一日。萍始生。萍不生。陰氣憤盈。○淮南子云。萍樹根于水。木樹根于土。又云。容華生萍。萍生萍。藻。萍藻生浮艸。凡浮生不根。羸者。生于萍藻。○萬

畢術曰。老血為萍。聚血之精。至黃泉也。○埤雅曰。萍一名萍。無根而浮。常與水平。故曰萍也。江東謂之漂。言無定性。漂流隨風。周官萍氏掌水禁。鄭氏云。以不沈溺取名。蓋使之幾酒。謹酒也。舊說萍蕭滋生。一夜七子。一曰。浮于流水則不生。于止水則一夕生九子。故謂之九子萍也。世說楊華入水。化為浮萍。○雅翼云。萍水上小浮萍。無根。但有小須垂水中。然淮南云。萍植根于水。蓋萍以水為地。所垂者乃是根。今或反根于上。為日所暴。即死。是與

失土同也。小雅食野之苹。毛氏以為此。鄭氏以為非野所生。非鹿所食。易之曰。賴蕭。然古人以水艸之交為麋。則麋鹿亦食水艸。

箋云。萍。賴蕭。○爾雅云。萍。賴蕭。郭云。今賴蒿也。初生亦可食。○陸機云。葉青白色。莖似筍而輕肥。始生香。可生食。又可烝食。○盧氏雜說云。唐文宗問宰臣。萍是何艸。李珣曰。是賴蕭。上曰。朕看毛詩疏。萍葉圓而花白。叢生野中。似非賴蕭。

按唐文宗所說詩疏。與今本異。

賓

說文。賓。所敬也。○周禮。小宰。以官府之六聯合邦治。二曰賓客之聯事。大宗伯。以賓禮親邦國。

按三禮。賓有數等。大行人。掌大賓之禮。及大客之儀。以親諸侯。大賓。要服以內諸侯也。大客。謂其孤卿。以此推之。要服以外為小賓。時聘之大夫士及為介來者。皆小客矣。朝覲宗遇會同。諸侯之為賓者也。時聘殷頰。諸臣之為客者也。賓客之聯事。小宰合之。燕饗之禮。宗伯職之。九儀

標折同

之命爵。行人辨而等之。牢禮。餼獻飲食之等數。掌客。掌之。逆于疆。聚橐。致積。將幣前驅。至朝。詔位之類。掌訝。掌之。野之。委積。司徒令修之。若公侯伯子男之相為賓。公侯伯子男之臣相為客。其儀。掌之。司儀。凡諸侯聘禮。主國所以待賓者。饗食。君親為主。尊賓也。燕私。樂之禮。崇恩殺敬。故聘禮曰。燕則上介為賓。賓為苟敬。宰夫獻也。若諸侯無事。卿大夫有勤勞之功。與羣臣燕飲以樂之。則于客內立一人為賓。餘為眾賓。記云。

詩名物疏 卷三  
若與四方之賓燕。則公迎之大門內。揖讓升。與  
卿燕。則大夫為賓。與大夫燕。亦大夫為賓。燕義  
云。使宰夫為獻主。臣莫敢與君亢禮也。不以公  
卿為賓。而以大夫為賓。為疑也。然則燕四方之  
賓。與國內之臣。其禮惟迎不迎為異。若族燕之  
禮。則文王世子云。異姓為賓。膳宰為主人。不以  
同姓為賓者。親親也。不親主獻者。尊君也。士冠  
禮之賓。主人之僚友也。鄉飲酒禮。諸侯之鄉大  
夫。三年大比。獻賢者能者于其君。以禮賓之。與

之飲酒。主人就先生而謀賓介。注云。賢者為賓。  
其次為介。其次為衆賓。以禮賓之。將獻于王。與  
鄉射之賓及衆賓。皆鄉人之無爵者也。鄉飲酒  
義云。立賓以象天。立主以象地。設介僕以象日  
月。立三賓以象三光。坐賓于西北。必南鄉。鄭以  
鄉飲酒義之篇。具載四禮。則鄉飲酒四事。其儀  
皆同也。諸侯大射之禮。大夫為賓。宰夫為主人。  
特牲少牢。士虞禮之賓。皆助祭執事者也。楚茨  
為賓為客。賓筵。賓載手仇。是天子助祭之臣。亦

言名物政 卷三  
稱賓也。祭禮又有內賓。鄭玄云。姑姊妹也。其羣下自相飲。亦尊一人為上賓。左傳。季氏飲大夫酒。減紇為客。國語。公爰文伯飲。南宮敬叔酒。露睹父為客。是也。鹿鳴之詩。燕羣臣嘉賓。則賓指四方之賓。及羣臣也。

笙

詳見王風簧

白虎通云。象萬物之生。故曰笙。

承筐

箋云。飲之而有幣。酬幣也。食之而有幣。侑幣也。○

禮書云。食有侑食。故有侑幣。饗有酬爵。故有酬幣。儀禮。公食大夫。侑以束帛。而庭實以皮。大夫相食。以束錦。此食有侑幣也。聘禮。公于賓。若不親食。使大夫致之。以侑幣。致饗以酬幣。亦如之。大夫於賓。若不親饗。則公作大夫致之。以酬幣。士昏禮。舅姑饗送者。酬以束錦。此饗有酬幣也。燕禮。無用幣之文。鹿鳴之詩。燕羣臣嘉賓。序曰。既飲食之。又實幣。帛筐篚。則所謂飲食者。燕與食耳。此燕有酬幣也。孔穎達以飲食為饗食。非詩意也。春秋傳曰。酬幣。

宴賓以示容合好。則燕未嘗不用酬幣。特文不備。禮器曰琥璜爵。鄭氏以爲天子酬諸侯。諸侯相酬之禮。是天子饗諸侯。諸侯相饗。酬幣用玉。酬幣亦謂之侑。侑幣不謂之酬。故春秋傳享醴皆曰宥。以侑者勸酬之通稱也。

### 蒿

爾雅云蒿。菑。郭璞曰。今人呼青蒿香中炙啖者爲菑。○陸機云。蒿。青蒿也。荆豫之間。汝南汝陰皆曰菑。○爾雅又云。藜之醜。秋爲蒿。郭云。春時各有種。

菑去亦反

名。至秋老成。皆通呼爲蒿。○本艸云。艸蒿。一名青蒿。一名方潰。生華陰川澤。圖經云。葉似茵陳。蒿而背不白。春生苗。葉極細嫩。時人亦取雜諸香菜食之。至夏高四五尺。秋後開細淡黃花。花下便結子。如粟米。大衍義云。根赤葉香。○晏子曰。蒿。艸之高者也。○筆談云。青蒿一類。自有青黃兩種。陝西綏銀之間。蒿叢時有一兩株。迥然青色。土人謂之香蒿。莖葉與常蒿悉同。但比常蒿色青翠。一如松檜之色。至深秋。餘蒿竝黃。此蒿猶青。氣稍芬香。恐古

人所用以此為勝。

按爾雅繁之醜秋為蒿。則所謂蒿者。不專謂青蒿矣。爾雅繁蒿蔚著我購蕭七種。毛詩俱有之。本艸有茵陳蒿邪蒿同蒿二種。詩中不見皆蒿屬。

燕

周禮大宗伯以饗燕之禮。親四方之賓客。掌客。掌四方之賓客飲食之等數。與其政治。凡諸侯之禮。上公三燕。侯伯再燕。子男一燕。○燕禮記云。燕朝

齊音羔

碎音翠

服於寢。若與四方之賓燕。則公迎之大門內。揖讓升。賓為苟敬。席于阼階之西北面。有胄。不齊肺。不啐酒。其介為賓。無膳尊。無膳爵。與卿燕。則大夫為賓。與大夫燕。亦大夫為賓。○燕義云。使宰夫為獻主。臣莫敢與君亢禮也。不以公卿為賓。而以大夫為賓。為疑也。俎豆牲體薦羞。皆有等差。所以明貴賤也。○皇氏云。燕禮折俎。有酒無飯。有二種。若燕同姓。夜則飲之。其於異姓。讓之而止。○賈公彥云。饗烹大牢以飲賓。獻依命數。在廟行之。燕者其牲



言名物疏 卷三  
狗。一獻四舉旅。降脫履升坐。無算爵。以醉為度。行之在寢。此謂朝賓。若聘客則皆一饗。其燕與時賜無數。又云。燕有四等。諸侯無事而燕。一也。卿大夫有王事之勞。二也。卿大夫有聘而來還。與之燕。三也。四方聘客與之燕。四也。○國語云。先王之燕禮。體解節折而共飲食之。於是乎有折俎加豆。酬幣宴貨。以示容合好。○韓詩說云。夫飲之禮。不脫履而即序者謂之禮。跣而上坐者謂之宴。能飲者飲之。不能飲者已。謂之餽。齊顏色。均衆寡。謂之沈。閉門不出者謂之酒。故君子可以宴。可以醜。不可以沈。不可以酒。

芥

陸機云。莖如釵股。葉如竹。蔓生澤中。下地鹹處。為艸真實。牛馬亦喜食之。

四牡篇

周道

傳云。岐周之道。○漢書地理志。右扶風郁夷縣。注。詩。周道郁夷。顏氏曰。四牡詩。周道倭遲。韓詩作郁

夷言使臣乘馬於此道。○一統志。郁夷城在陝西鳳翔府隴州。

駱

爾雅云。白馬黑鬣駱。疏云。鬣。鬣也。○說文云。白馬黑鬣尾。○禮記云。夏后氏駱馬黑鬣。疏云。夏尚黑。故用黑鬣。○埤雅云。爾雅曰。白馬黑鬣駱。廣雅云。白馬朱鬣駱。今呼黃馬尾鬣一道通黑如界者為駱。蓋馬無分于黃白。若今衣脊絡縫。故曰駱也。明堂位云。夏后氏駱馬黑鬣。此以別白馬朱鬣之駱。

也。月令曰。孟秋駕白駱。此以別黃馬黑鬣之駱也。俗云。駱馬善奈勞苦。詩曰。嘽嘽駱馬。言駱性善勞。而今取息不平如此。則以甚勞故也。

鷓

詩緝云。鷓。鷓鳩也。即郊子祝鳩氏司徒也。一鳥而十四名。鷓也。佳其也。鷓鳩也。祝鳩也。鷓鳩也。鷓鳩也。鷓鳩也。楚鳩也。鷓鳩也。荆鳩也。乳鳩也。鷓鳩也。鷓鳩也。鷓鳩也。○通志云。凡鳥之短尾者皆謂之鷓。惟夫不專名焉。○爾雅云。佳其。鷓鳩。注。今鷓鳩。

鷓方扶反  
鷓方浮反  
鷓音浮鷓  
音班鷓音  
鷓音殺鷓  
音葵

鷓音郎  
鷓音鼻

屬音戶

鷓力救反

○毛傳云。鷓。一宿之鳥。箋云。一宿者。一意於所宿之木。又云。鳥之謹愿者。人皆愛之。○方言云。鷓。關東周鄭韓魏謂之鷓鷓。其鷓鷓謂之鷓鷓。關西秦漢之間謂之鷓鷓。其大者謂之鷓鷓。其小者謂之鷓鷓。或謂鷓鷓。或謂鷓鷓。梁宋之間謂之鷓鷓。○陸機云。今小鷓也。一名鷓鷓。幽州人或謂之鷓鷓。梁宋之間謂之鷓鷓。楊州人亦然。○左傳云。祝鷓氏。司徒也。注。祝鷓孝。故主教民。○禽經云。鷓上無尋。鷓上無常。○聽聲考詳篇云。雀聲慘毒。

鷓聲慈念。○雅翼云。似班鷓而臆無繡采。又頭有贅物之拙者。不能為巢。纔架數枝。往往破卵。無巢不能居。天將雨。則逐其雌。霽則呼而反之。鷓既孝鳥。故漢授民七十者玉杖。端以鷓鳥為飾。

按鷓之類多。而名亦煩雜。故楊雄誤謂鷓鷓為鷓。又誤以鷓鷓為戴勝。嚴氏說鷓十四名。而忘陸機疏幽州謂之鷓鷓。方言鷓鷓謂之鷓鷓。羅氏謂鷓不能作巢。陸農師亦云鷓拙而安。疑即歐陽永叔所云拙鷓也。然歐陽子說拙鷓。又不

正名爲騷。

杞

詩緝云。詩有三杞。將仲子無折我樹杞。柳屬也。有臺南山有杞。湛露在彼杞棘。山木也。此詩集于苞杞。雅杖杜北山言采其杞。四月隲有杞檗。枸杞也。○爾雅云。杞。枸櫞。注。今枸杞也。○廣雅云。地筋。枸杞。○陸機云。一名苦杞。一名地骨。春生作羹。茹薇苦。其莖似莓。子秋熟。正赤。莖葉及子。服之輕身益氣。○本艸云。枸杞。味苦寒。久服堅筋骨。輕身不老。

莓音梅

一名杞根。一名地骨。一名枸杞。心名地輔。羊乳。脚暑。仙人杖。西王母杖。生常山平澤。及諸丘陵阪岸。冬採根。春夏採葉。秋採莖實。○抱朴子云。家菜。一名托盧。或名天精。卻老地骨。○日華子云。地仙苗。即枸杞。○圖經云。春生苗葉。如石榴葉而軟薄。堪食。俗呼爲甜菜。莖幹高三五尺。作叢。六七月。生小紅紫花。隨結紅實。形微長。如棗核。其根名地骨。與枸棘相類。其實形長而枝無刺者。真枸杞也。圓而有刺者。枸棘也。世傳蓬萊縣南丘村多枸杞。高者

言名物類 卷之三  
一二丈。其根蟠結甚固。鄉人多壽考。亦飲食其水。土之品使然耳。○沈存中云。陝西極邊生枸杞。高丈餘。大可作柱。葉長數寸。無刺。根皮如厚朴。其美異於諸處。實圓如櫻桃。全少核。暴乾如餅。極膏潤有味。○寇氏衍義云。凡杞未有無刺者。但此物小則多刺。大則少刺。如酸棗及棘。其實一也。後人分別杞棘。強生名耳。

皇華篇

駟

爾雅云。陰白雜毛。駟。樊光曰。駟者目下白也。郭璞曰。陰。淺黑。今之泥騾。或云目下白。或云白陰。俱非也。邢昺曰。毛淺黑而白。兼雜毛者。名駟。○埤雅云。詩。我馬維駒。維騏。維駟。維駘。先後與駟之序合。則駟不如駘。駘不如騏。

常棣篇

常棣

李氏云。何彼穠矣。言唐棣之華。爾雅所謂移也。此常棣與采薇維常之華。爾雅所謂棣也。○爾雅云。

常棣。棣。郭云。今山中有棣樹。子如櫻桃。可食。○陸機疏云。許慎曰。白棣樹也。如李而小。如櫻桃。正白。今官園種之。又有赤棣樹。葉如刺榆葉而微圓。子正赤。如郁李而小。五月始熟。自關西天水隴西多有之。○程子曰。常棣。今所謂玉李。花鄂相承。甚力。○埤雅云。華萼上承下覆。甚相親爾。棣从隶。言華萼相承。輝榮相隶也。

鄂不

箋云。承華者曰鄂。不當作拊。拊。鄂足也。○楊用修

隶音逮

附音附

云。鄂。花苞也。今文作萼。不華蒂也。今文作跗。華下有萼。萼下有跗。花萼相承覆。故得鞞鞞而光明。

脊令

爾雅云。鷓鴣。渠。郭云。雀屬也。飛則鳴。行則搖。○陸機云。大如鷓鴣。雀。長腳長尾。尖喙。背上青灰色。腹下白。頸下黑。如連錢。故杜陽人謂之連錢。○物類相感志云。俗呼雪姑。其色蒼白如雪。鳴則天當大雪。○禽經云。鷓鴣。友悌。注。鷓鴣共母者。飛鳴不相離。詩人取以喻兄弟相友之道也。○埤雅云。詩曰。

詩名物疏 卷三  
脊令在原。脊令水鳥。在原則失其所矣。其鳴自呼。或曰首尾相應。飛且鳴者。故謂之雝渠。渠之言勤也。○詩緝云。脊令雪姑也。鄭氏以為水鳥。非。今雪姑非水鳥。

朋

公羊傳曰。同門曰朋。○鄭玄云。同師曰朋。

飶

毛云。飶。私也。不脫屨升堂。謂之飶。鄭云。私者。圖非常之事。若議大疑於堂。則有飶禮。疏云。飶不在公

朝。在路門內。酒肉在堂。○釋言云。飶。私。孫炎曰。飶。非公朝。私飶飲酒也。○國語定王曰。王公立飶。則有房。房。將以講事成章。建大德。昭大物也。故立成禮。烝而已。飶。以顯物。宴以食好。歲飶不倦。時宴不淫。衛彪傒曰。武王克商。作詩以為飶歌。名之曰支。以遺後之人。使永鑒焉。

按皇氏注禮記。以飶為饗禮。義異于毛。若依韋昭國語注。則毛說為長。但韋依毛。鄭為文。未必外傳之本旨。

祭

傳云。子也。疏云。左傳。歸其祭。書曰。予則祭。戮女。皆是子也。

伐木篇

鳥

爾雅云。鳥之雌雄不可別者。以翼右掩左雄。左掩右雌。又云。二足而羽謂之禽。○淮南云。羽嘉生飛龍。飛龍生鳳皇。鳳皇生鸞鳥。鸞鳥生庶鳥。凡羽者生於庶鳥。○白虎通云。鳥所以飛何。鳥者陽也。飄

啜音夜

輕所以飛也。禽者何。鳥獸之總名。明為人所禽制也。○禽經云。冠鳥性勇。帶鳥性仁。纓鳥性樂。風翔

則風。雨舞則雨。霜霏則霜。露翦則露。林鳥朝啣水。鳥夜啜。山鳥巖棲。原鳥地處。物食長喙。穀食短喙。

翼失鼓反

搏則利嘴。鳴則引吭。毛協四時。色合五方。○周禮云。庖人供六禽。辨其名物。射鳥氏掌射鳥。羅氏掌羅鳥。鳥。掌畜。掌養鳥。而阜蕃教擾之。四時貢鳥物。是氏掌攻猛鳥。庭氏掌射國之妖鳥。○禮記云。獻鳥者佛其首。畜鳥者則勿佛也。○尚書考靈耀云。



鳥為春候。

神

說文。天神引出萬物。从示申。○易曰。陰陽不測之謂神。注。神者變化之極。妙萬物以為言。不可以形詰。○大戴禮云。陽之精氣曰神。

按大宗伯之職。掌建邦之天神人鬼地示之禮。則天曰神。人曰鬼。地曰示。對文為異。若通而言之。則地示人鬼。俱可云神。蓋總是精靈之稱耳。

辨

爾雅曰。未成羊。辨。郭云。俗呼五月羊為辨。○說文云。辨。五月生羔也。○陸農師云。辨从宁。宁。佇也。宁其美成而後足用。○羅氏云。說文稱五月生羔。似謂仲夏所生。按齊民要術。五月六月七月生者。兩熟相仍。惡中之甚。古稱肥辨以速諸父。不應用此。當是生及五月者爾。

諸父

覲禮曰。同姓大國則曰伯父。同姓小邦則曰叔父。○禮記曰。五官之長曰伯。是職方。其擯於天子也。

言名物疏 卷三十三  
曰天子之吏。天子同姓謂之伯父。九州之長入天子之國曰牧。天子同姓謂之叔父。注云。牧尊于大國之君。而謂之叔父。避二伯也。○服虔左傳注云。諸侯稱同姓大夫。長曰伯父。少曰叔父。

陳饋

箋云。陳其黍稷。謂為食禮。○皇氏注禮記云。食禮者。有飯有餼。雖設酒而不飲。其禮以飯為主。故曰食也。其禮有二種。一是禮食。故大行人云。諸侯三食之禮。有九舉。及公食大夫禮之屬是也。二是燕

食者。謂臣下自與賓客旦夕共食是也。按鄭注曲禮。酒漿處右云。此大夫士與賓客燕食之禮。○周禮。大宗伯。以飲食之禮親宗族兄弟。大行人。上公食禮九舉。侯伯食禮七舉。子男食禮五舉。掌客。上公三食。若弗酌。則以幣致之。侯伯再食。子男一食。○聘禮。公於賓。壹食。上介。壹食。若不親食。使大夫各以其爵。朝服致之。以侑幣。大夫於賓。壹食。上介若食若饗。○禮記云。族食世降一等。注云。親者稠。疏者稀。又云。凡養老。殷人以食禮。○埤雅云。饗具

言名物疏 卷三十一  
四豆四籩之實。食禮則自饋食而下。無朝事之豆籩也。燕禮則自加豆加籩而下。無饋食之豆籩也。

諸舅

聘禮。大國異姓則曰伯舅。小邦異姓則曰叔舅。○禮記云。五官之長曰伯。天子異姓謂之伯舅。九州之長入天子之國曰牧。天子異姓謂之叔舅。○孔仲達云。衛孔悝鼎銘。公曰叔舅。是諸侯稱大夫舅之文也。謂異姓大夫長者。亦當為伯舅。

兄弟

箋云。兄弟。父母之黨。○釋親云。男子先生為兄。後生為弟。族父之子。相謂為族兄弟。兄之子弟之子。相謂為從父兄弟。從母之男子為從母兄弟。父之黨為宗族。母與妻之黨為兄弟。婦之黨為婚兄弟。婿之黨為姻兄弟。

餼

爾雅云。養餼。食也。○說文云。餼。乾食也。○釋名云。餼。候也。候人飢者以食之也。

酤

言名物疏 卷三十一  
毛傳云。一宿酒也。○聽雨紀談云。鄭康成訓沽為  
權沽之沽。毛氏注謂一宿酒曰沽。蓋三代無沽酒  
者。至漢武帝時。方有權酤。似一宿酒為是。野客云

弟述京校

六家詩名物疏卷三十二終

六家詩名物疏卷三十三

海虞馮復京嗣宗輯著

小雅鹿鳴之什二

天保篇

阜

爾雅云。高平曰陸。大陸曰阜。○釋名云。土山曰阜。  
阜。厚也。言高厚也。○風俗通云。阜者茂也。言平地  
隆踊。不屬於山陵也。

陵

爾雅云。大阜曰陵。○韓詩說云。四平曰陵。○釋名云。陵。隆也。體高隆也。○易云。地險山川丘陵也。王公設險以守其國。○春秋說題辭曰。陵之為言稜也。輔山成其廣。層稜扶推。益厥長也。○爾雅云。東陵。隼。南陵。息慎。西陵。威夷。中陵。朱滕。北陵。西隼。雁門是也。陵莫大於加陵。梁莫大於溴梁。墳莫大於河墳。謂之八陵。

隼音信

隼音書

渠音慶反

川

溪音揆  
薛音片

釋水云。溪。闢。流川。過辨。回川。○釋名云。川。穿也。穿

地而流也。○周禮曰。川師掌川澤之名。川衡掌巡川澤之禁令。而平其守。祭祀賓客。共川奠。職方氏。揚州。其川三江。荊州。其川江漢。豫州。其川滎雒。青州。其川淮泗。兗州。其川河洙。雍州。其川涇汭。幽州。其川河洙。冀州。其川漳。并州。其川虜池。嘔夷。又云。兩山之間。必有川焉。大川之上。必有涂焉。○禹貢曰。濬。畝。澮。距川。○蔡邕云。衆流注海曰川。○國語云。川。氣之導也。

虜音胡反  
池徒多反  
嘔烏侯反

吉

言名物疏 卷三十三  
三百十五  
王介甫云。吉言諏日擇士之善。○周禮太宰祀五帝。前期十日。帥執事而卜日。祀大神示。享先王亦如之。○射義云。天子將祭。必先習射於澤。澤者所以擇士也。已射於澤。而後射於射宮。射中者得與於祭。不中者不得與於祭。○劉氏云。諏日者。君臣諏謀祭日於旬有一日之先。至次日。乃卜所諏之日吉否。如少牢饋食。大夫先與有司諏丁巳之日。至明日。乃筮其日之吉凶也。擇士者。大射於射宮。以選與祭之士。

蠲

王氏曰。蠲言齋戒滌濯之潔。○禮記云。散齋七日以定之。致齋三日以齊之。定之之謂齊。齊者精明之至也。然後可以交於神明也。又云。七日戒。三日齋。疏曰。七日戒者。謂散齋也。三日齋者。謂致齋也。○周禮冢宰祀五帝。祀大神示。享先王。及執事。眡滌濯。注。執事。初為祭事。前祭日之夕。滌濯謂漑祭器及甑。麤之屬。疏。儀禮特牲。亦云。前祭日之夕。視壺濯及豆籩。士卑得與人君同。少牢大夫禮當祭

概澆同

日概祭器者。下人君也。案少牢。饗人概。鬯七俎。廩人概。醜。醜。司空概。豆。籩及勺。爵。此注不言七俎。豆籩勺。爵者。之屬中。舍之。又云。宰夫祭祀。從太牢而。眠滌濯。宗伯。凡祀大神。享大鬼。祭太示。帥執事而。卜日。宿。眠滌濯。小宗伯。大祭祀。眠滌濯。肆師。祭祀。視滌濯。

饔

饔饔同  
肥音夷

說文。饔。酒食也。或从肥。或从米。○周禮。饔人。掌凡祭祀共盛。○儀禮。主婦視饔。饔于西堂下。注云。炊

黍稷曰饔。

禴祠烝嘗

禴禴同  
為音酌

爾雅云。春祭曰祠。夏祭曰禴。秋祭曰嘗。冬祭曰烝。郭璞曰。祠之言食也。禴。新菜可洵。嘗。嘗新穀。烝。進品物。○周禮云。以祠春享先王。以禴夏享先王。以嘗秋享先王。以烝冬享先王。司尊彝。祠禴。裸用雞。彝。鳥彝。朝踐用兩獻尊。再獻用兩象尊。嘗烝。裸用。學。彝。黃彝。朝獻用兩著尊。饋獻用兩壺尊。○王制云。天子諸侯宗廟之祭。春曰禴。夏曰禘。秋曰嘗。冬

牲音特

曰烝。天子牲禘。禘嘗。禘烝。諸侯禘則不禘。禘則不嘗。嘗則不烝。烝則不禘。諸侯禘牲。禘一牲一禘。嘗禘。烝禘。注云。周改夏祭曰禘。以禘為殷祭。虞夏之制。諸侯歲朝。廢一時祭。郊特牲云。饗禘有樂。而食嘗無樂。陰陽之義也。注云。禘當為禴字之誤。記又云。禘者陽之盛也。嘗者陰之盛也。古者於禘祭。爵賜服。順陽義也。於嘗出田邑。發秋政。順陰義也。○孔氏云。自殷而上。禴禘嘗烝。至周公去夏禘之名。以春禴當之。更名春曰祠。

飲

釋名云。飲。奄也。以口奄而引咽之也。○禮記云。飲。養陽氣也。○周禮。膳夫。王飲用六清。食醫。掌和王之六飲。酒正。辨四飲。清醫。漿醕。漿人。掌共王之六飲。水漿醕涼醫醕。凡飲共之。○內則。飲重醕。稻醕。清糟。黍醕。清糟。梁醕。清糟。或以醕為醴。黍醕。漿水。醕。濫。

醫於已反  
醕音移

醕音倚

百姓

傳云。百姓。百官族姓也。○虞書。平章百姓。注云。百



詩名物疏 卷三  
五  
姓百官。○張說云。古者民無姓。有姓者皆有土有爵者也。黃帝之子二十五人。得姓者十四而已。其後居諸侯之國土者。其民以諸侯之姓為姓。居大夫之采地者。以大夫之姓為姓。莫可分辨。故云皆出自帝王。

采薇篇

獫狁

史記曰。匈奴其先祖。夏后氏之苗裔也。曰淳維。唐虞以上。有山戎獫狁葷粥。居於北蠻。逐水草移徙。

毋城郭常處耕田之業。其俗寬則隨畜。因獵射禽獸為生業。急則人習攻戰以侵伐。其天性也。○晉灼云。堯時曰葷粥。周曰獫狁。秦曰匈奴。

陽

爾雅云。十月為陽。○鄭氏云。時坤用事。嫌於無陽。故以名此月為陽。

戎車

詳見秦小戎

周禮巾車。掌王之五路。革路以即戎。車僕掌戎路之倅。廣車之倅。闕車之倅。屏車之倅。輕車之倅。注

言名物賦 卷三  
云。此五者皆兵車所設五戎也。戎路。王在車所乘。  
廣車。橫陣之車。闕車。所用補闕之車也。屏車。所用  
對敵自隱蔽之車也。輕車。所用馳敵致師之車也。

### 弭

爾雅云。弓有緣者謂之弓。無緣者謂之弭。孫炎曰。  
緣。謂繳束而漆之。弭。謂不以繳束。骨飾兩頭者也。  
○左傳云。左執鞭弭。○鄭氏云。弭。以助御者解轡  
紒。宜骨也。○孔氏云。弭者弓梢之名。

### 魚

陸機疏云。魚服。魚獸之皮也。魚獸似豬。東海有之。  
其皮背上班文。腹下純青。今以爲弓韃步叉者也。  
其皮雖乾燥。以爲弓韃矢服。經年海水潮。及天將  
雨。其毛皆起。水潮還及天晴。其毛復如故。雖在數  
千里外。可以知海水之潮自相感也。○孔氏曰。左  
傳。歸夫人魚軒。服虔云。魚獸名。則魚皮又可飾車。  
按羅氏以魚服爲鮫魚之皮所爲。今鮫魚出南  
越。狀似鼈而無足。背文麓錯。皮間有珠文。可以  
飾刀。有大小二種。總謂之沙魚。或云其子驚則

言名物正 卷三十三  
二百九十四  
入母腹。雖亦可以飾物。而先儒說魚服。則自以爲魚獸之皮。非鮫也。

服

釋名云。矢。其受之器以皮曰箛。謂柔服用之也。○周禮。司弓矢。中春獻弓弩。中秋獻矢箛。及其頒之。矢箛皆從其弓。田弋充箛。箛矢。注云。矢箛成於堅。以獸皮爲之。一箛百矢。箛。竹箛也。繕人。掌王之用矢箛。橐人。矢八物。皆三等。箛亦如之。

出車篇

牧

孔氏云。牧地在郊。載師職曰。牧田任遠郊之地是也。

天子

易緯云。天子者。繼天治物。改正一統。各得其宜。父天母地。以養生人。至尊之號也。○春秋孔演圖云。天子皆五帝精寶。各有題序。次運相據起。必有神靈符紀。諸神扶助。使開階立遂。○保乾圖云。天子之尊也。神靈與天地通。血氣含五帝精。天愛之子。

言名物疏 卷三十三 二百七十  
之也。○孝經鈎命訣云。接上稱天子。明以爵事天。  
○說文云。古之神聖人。母感天而生子。○禮記云。  
天子者。與天地參。德配天地。兼利萬物。與日月竝  
明。明照四海。而不遺微小。其在朝廷則道神聖禮  
義之序。燕處則聽雅頌之音。行步則有環佩之聲。  
升車則有鸞和之音。居處有理。進退有度。百官得  
其宜。萬事得其序。

### 僕夫

疏云。周禮。戎僕掌御戎車。御夫掌御從車。從車。戎  
路之副。在牧戎車。將帥所乘。御之則戎僕也。下章  
僕夫。况瘁箋云。憂其馬之不正。則正御亦在焉。

### 旒

周禮司常云。龜蛇爲旒。又云。及國之大閱。贊司馬  
頒旗物。縣鄙建旒。疏云。縣鄙是遂之官。互約言之。  
鄉之間比。遂之鄰。同建旒。龜蛇象其扞難避害也。  
○夏官大司馬云。治兵辨旗物之用。郊野載旒。注  
云。郊謂鄉遂之州長縣正以下。野謂公邑大夫載  
旒者。以其將羨卒也。○考工記云。龜蛇四旒。以象

續讀白勃

營室也。○爾雅云。緇廣充幅長尋曰旒。○禮記云。行前朱雀而後玄武。左青龍而右白虎。招搖在上。急繕其怒。○釋名云。龜虵為旒。旒兆也。龜知氣兆之吉凶。建之於後。察度事宜之形兆也。

方

尚書曰。宅朔方曰幽都。○朱傳云。今靈夏等州之地。○曹氏云。即六月所謂侵鎬及方。郡縣志。夏州朔方縣。什賁故城在縣治北。即漢朔方縣故城也。漢武帝收河南地。置朔方五原郡。使蘇建築朔方。

什賁之號。蓋蕃語也。○一統志。陝西寧夏衛。漢朔方郡。靈州城在衛城南。夏州城在衛城東。○爾雅。朔。北方也。舍人注云。朔。盡也。北方萬物盡。故言朔也。

旂

司常云。交龍為旂。又云。及大閱。贊司馬頒旗物。諸侯建旂。注云。諸侯畫交龍。一象其升朝。一象其下復。巾車云。金路建大旂。以賓。同姓以封。大司馬治兵。諸侯載旂。考工記云。龍旂九旂。以象大火也。○

覲禮云。諸侯載龍旂。孤羈。又云。天子載大旂。升龍降龍。○樂記云。龍旂九旒。天子之旌也。○爾雅云。素陞龍於繆。練旒九。有鈴曰旂。○史記云。龍旂九旒。所以養信也。○司馬法云。旂。夏后氏玄首。人之執也。殷白。天之義也。周黃。地之道也。○禮書云。天子諸侯之旂。龍章一也。升龍素。降龍青。蓋青陽也。素陰也。陽在上而降。陰在下而升。交泰之道也。先儒以為王之。大常曳地。諸侯之旂齊軫。卿大夫齊較。士齊肩。

簡

爾雅云。簡謂之畢。注。今簡札也。○說文云。簡。牒也。○蔡邕獨斷曰。策者簡也。其制長二尺。短者半之。其次一長一短。兩編下附。○孔仲達云。簡之所容。一行字耳。牘乃方版。版廣於簡。可以竝容數行。凡為書。字有多有少。一行可盡者。書之於簡。數行乃盡者。書之於方。方所不容者。乃書於策。○釋名云。簡。間也。編之。篇篇有間也。

西戎

言名物疏 卷之三  
朱傳云。昆夷也。○風俗通云。斬伐殺生。不得其中。戎者兇也。○禮記云。西方曰戎。被髮衣皮。有不粒食者矣。○爾雅。七戎。○職方。五戎。○明堂位。六戎。○山海經云。黃帝生苗龍。苗龍生融吾。融吾生弄明。弄明生白犬。白犬有牝牡。是爲犬戎。○書大傳云。文王四年。伐犬夷。注。犬夷。昆夷也。○帝王世紀云。文王受命四年。周正月丙子朔。昆夷氏侵周。一日三至周之東門。文王閉門修德而不與戰。○皇矣。串夷載路。鄭氏云。即混夷。西戎國名。○漢匈奴

傳。周西伯昌伐畎夷。注。畎夷。即畎戎也。又曰。昆夷。或作混。又作緄。亦曰犬戎。○史記曰。自隴以西有緄戎。○後漢西羌傳云。武乙暴虐。犬戎寇邊。周公踰梁山而避于岐下。及子季歷。遂伐西落鬼戎。太丁之時。季歷復伐燕京之戎。戎人大敗周師。後二年。周人克余無之戎。於是太丁命季歷爲牧師。自是之後。更伐始呼翳徒之戎。皆克之。及文王爲西伯。西有昆夷之患。北有獫狁之難。遂攘戎狄而戍之。莫不賓服。乃率西戎。征殷之叛國。以事紂。至

厲王無道。戎乃入犬丘。殺秦仲之族。宣王四年。使秦仲伐戎。爲戎所殺。王乃召秦仲子莊公。與兵七千人伐戎。破之。後申侯與戎寇周。殺幽王。酈山下。秦襄公攻戎。救周。及平王之末。自隴山以東。及乎伊洛。往往有戎。於是渭首有狄。豳邽冀之戎。涇北有義渠之戎。洛川有大荔之戎。渭北有驪戎。伊洛間有楊拒泉臯之戎。潁首以西有蠻氏之戎。  
按西戎在今鞏昌秦州之地。史記稱隴以西有緄戎。蓋隴西者秦州之東也。

卉

說文艸之總名

魚麗篇

留

爾雅云。凡曲者爲留。郭注云。毛傳曰。留。曲梁也。凡以薄爲魚笥者。名爲留。又云。發婦之笥。謂之留。孫炎曰。留。曲梁。其功易。故謂之寡婦之笥。○孔氏曰。其功易。故號寡婦笥。非寡婦所作也。○周勃傳。織薄曲。師古云。葦薄爲曲也。



鯧

陸機疏云。鯧一名黃頰魚。似燕頭魚。身形厚而長大。頰骨正黃。魚之大而有力。解飛者。徐州人謂之揚黃頰。通語也。○釋文云。江東呼黃鯧魚。尾微黃。大者長七八寸許。○埤雅云。性浮而善飛躍。故一曰揚。

鯊

爾雅云。鯊。鮐。注。今吹沙小魚。體員而有點文。○陸機云。魚狹而小。常張口吹沙。故曰吹沙。○異物志

志曰。吹沙長三寸許。背上有刺。螫人。○海物異名記云。鯊似鯽而狹小。○廣志云。吹沙魚大如指。沙中行。○埤雅云。鯊性善沈。亦於沙中乳子。鯧。鯧。鯧。性浮。鯊。鯧。鯧。性沈。○雅翼云。鯊非特吹沙。亦止食細沙。味甚美。大者不過二斤。然不若小者之佳。今人呼爲重脣。脣厚特甚。有若鼃鼃。故名。今江東小谿中。每春甚多。土人珍之。夏則隨水下。是後罕矣。春來復來。大抵正月先至。魚之最先至者。次則鯧。至。次則鯧。至。桃花水至而鯧肥。則三月矣。○寧波

言名物疏 卷三十三 四  
府志云。皮上有沙。故名。其類甚多。○鳥獸考云。鯨有二種。魚麗之鯨。蓋閩廣江漢之常產。海鯨。虎頭鯨。體黑文。鰲足。巨者餘二百斤。常以春晦陟於海山之麓。旬日化為虎。惟四足難化。經月乃成矣。

鯨

毛傳云。鯨。鮪也。○爾雅云。鯨。鮪。舍人曰。鯨一名鮪。郭璞曰。鯨。鮪也。鮪。今鯨魚。似鱒而大。○陸機云。鯨。鮪也。似鯉。頰狹而厚。○本艸。蠶魚味甘寒。一名鮪魚。生九江池澤。陶隱居云。今皆作鯨字。舊言是公

鯨音堅

鯨音尊

螭虵所變。然亦有相生者。至難死。猶有虵性。日華子云。諸魚中惟此膽甘可食。衍義云。今人謂之黑鯨魚。道家謂頭有星為厭。○爾雅又云。鯨。大鮪。小者鮪。疏。此即上文鯨也。○埤雅云。今玄鯨是也。有舌。鱗細有花文。一名文魚。與虵通氣。其首戴星。夜則北向。蓋北方之魚也。鱠鯨之美。不若魴鯨。魴鯨之美。不若鯉鯨。故詩序如此。○雅翼云。鯨魚圓長而斑點。郭氏解釋魚稱為鮪。然今鮪又別一種。按鯨一名鮪。此神農本艸經也。爾雅云。鯨。鮪。別

言名物疏 卷三十三 十五 三百十五  
二魚名。如云鯉鱸耳。舍人陸機之說非也。日華子稱鱧魚。膽味甘。陳藏器稱鮠魚。膽至苦。又云鮠似鯉。生江湖間。正合陸機之說。則陸機所云。是鮠非鱧。斷乎為二物矣。羅氏謂鮠別一種。又戾本艸之說。今吳中人知有鱧。不知羅氏所謂鮠。復是何物。鱧今人指為厭。味亦不佳。鮠即今鱧魚。俗不甚珍之。

鯉

傳云。鯉。鮎也。○爾雅。鯉。鮎。孫炎曰。鯉一名鮎。郭璞

鯉鮎同音提

鱧音護

鮠音梅

曰。鯉。今偃額白魚。鮎別名鯉。江東通呼鮎為鯉。○本艸云。鯉魚。味甘。主百病。陶隱居云。此是鯉也。即是鮎。圖經云。大首方口。背青黑。無鱗。多涎。又有鱧魚。相似而大。鮠魚亦相似。色黃而美。衍義云。鯉魚形少類獺。有四足。腹重墜如囊。身微紫色。無鱗。與鮎鮠相類。○埤雅云。今鯉額白魚也。一名鮎。鯉魚偃。鯉魚俯。鱧魚圓。魴魚方。○雅翼云。鯉魚兩目上陳。頭大尾小。善登竹。有水堰處。輒自下騰上。或曰。口腹俱大者名鱧。背青口小者名鮎。○梁寅云。鮎

腹平著地。故得鯪名。

按孫炎以鯪鮎為一魚。郭璞以為二魚。未知孰是。埤雅兩從之。轉誤後學矣。如陶貞白之說。鮎即是鯪。與郭說合。衍義云。鯪魚四足似獺。又與鮎大別。今吳中正呼為鮎。不聞謂為鯪也。

門人周明臣校

六家詩名物疏卷三十三終

六家詩名物疏卷三十四

海虞馮復京嗣宗輯著

小雅南有嘉魚之什一

南有嘉魚篇

嘉魚

水經注云。褒水又東南。得丙水口。水上承丙穴。穴出嘉魚。常以三月出。十月入。穴口廣五六尺。去平地七八尺。泉縣注。魚自穴下透入水。穴口向丙。故曰丙穴。下注褒水。故左思稱嘉魚出于丙穴。○任

鱠音因  
鯪他頂反

豫益州記云嘉魚似鱠。蜀中謂之拙魚。蜀郡山處處有之。從石孔出。大者五六尺。○雲南記云。雅州丙穴出嘉魚。似鯪鱗細。○嶺表錄異云。嘉魚形如鱣。出梧州戎城縣江水口。甚肥美。最宜為鱣。每炙以芭蕉葉隔火。蓋慮脂滴火滅耳。○本艸。嘉魚味甘溫。食之令人肥健悅澤。此乳穴中小魚。常食乳水。所以益人。○方輿勝覽云。首有黑點。謂照映星象相感而成。長身細鱗。肉白如玉。其味自鹹。○虞衡志云。嘉魚出梧州山下丙穴。如小鱣魚。多脂。煎

不假油。蜀中丙穴亦出。肥美相似。○埤雅云。鯪質鱣鱗。肌肉甚美。食乳泉。出于丙穴。先儒言丙穴在漢中沔南縣北。有乳穴二。常以三月取之。

按嘉魚所產地不一。大都蜀與南越之境也。然皆云出自丙穴。豈因嘉魚所出。而通得此名耶。若水經注所云丙穴。則在今陝西漢中府沔縣境。

罾

籠罾用反

爾雅云。籠謂之罾。李巡曰。籠。編細竹以為罾。捕魚

詩名物類

也。孫炎曰：今楚篴也。○孔仲達曰：罩以竹爲之，無竹則以荆，故謂之楚篴。○陸佃云：魚欲逸則罩之，使入。

汕

巢音朝

爾雅云：巢謂之汕。郭璞曰：今之撩罟。○朱傳云：以薄汕魚也。○陸氏云：魚欲伏則汕之使出。

南山有臺篇

臺

爾雅云：臺，夫須。○陸機云：舊說夫須，莎艸也，可爲

簞筮，故曰臺筮。緇撮，或云臺艸有皮，堅細滑緻，可爲簞筮。南山多有。○纂文曰：臺一名山莎。○本艸：香附子，卽莎艸根，生田野。二月八月採。圖經云：香附子，交州者大如棗，近道者如杏仁，苗莖葉都似三稜，根若附子，周而多毛。今近道生者，苗葉如薤而瘦，根如筋頭大。○埤雅云：莎艸疏而無溫，故从沙。

萊

陸機云：萊，艸名，其葉可食。今兖州人烝以爲茹，謂

之萊烝。

杞

陸機云。杞一名狗骨。山林也。其樹如樗。理白而滑。可以為函及檢板。其子為木蠹。可合藥。○曹氏云。梓杞也。

枸

陸機云。枸。枳枸也。木高大似白楊。所在山中皆有。枝柯不直。子著枝端。大如指。長數寸。噉之甘美如飴。八九月熟。江南特美。今官園種之。謂之木蜜。本

棋音矩

從南方來。能敗酒。若以為屋柱。則一屋之酒皆薄。

○本艸云。枳棋。味甘平。一名木蜜。其木皮溫。唐本注云。其樹徑尺。葉如桑柘。其子作房似珊瑚。核在其端。人皆食之。○古今注云。枳棋子。一名樹蜜。一

名木。錫實形拳曲。核在實外。亦名白石。白實木石。木實。○廣志云。葉似蒲柳。子十一月熟。樹乾者益美。○埤雅云。多枝而曲。飛鳥喜巢其上。賦曰。枳句來巢是也。○雅翼云。古者人君燕食所加。庶羞凡三十一物。其果則有。凌棋。棗。栗。榛。柿。瓜。棗。李。梅。杏。

言名物類 卷之三 四 二百九十三  
植梨。又婦人之贊。棋棹。棗栗。荆楚之俗。亦鹽藏荷。累以為冬儲。今不以為重。賤者食之而已。

楸

爾雅云。楸。鼠梓。郭璞曰。楸屬也。今江東有虎梓。○陸機云。其樹葉木理如楸。山楸之異者。今人謂之苦楸。○曹氏云。官室之良材。

蓼蕭篇

倮革

傳云。倮。倮也。革。倮首也。○爾雅云。倮首謂之革。○

孔仲達云。馬倮所鞞之外。有餘而垂者。謂之革。倮皮為之。故云倮革。

和 詳見秦風鸞

魯詩訓曰。和。設鞞者也。鸞。設衡者也。○韓詩說曰。

在鞞曰和。在軛曰鸞。○毛傳云。在軛曰和。在鑣曰

鸞。○于寶周禮注云。和。鸞皆以金為鈴。鸞者在衡。

和者在軛。馬動則鸞鳴。鸞鳴則和應。舒則不鳴。疾

則失音。故詩云。和鸞雍雍。言得其和也。○孔仲達

云。和亦鈴也。以其與鸞相應。和。故載見曰。和鈴央



典是也。○埤雅云。青鳳為鸞。鸞雌曰和。後世作和鸞以象之。

湛露篇

夜飲

箋云。夜飲之禮在宗室。同姓諸侯則成之。庶姓讓之則止。○燕禮。無算爵。無算樂。宵則庶子執燭于阼階上。司官執燭于西階上。甸人執大燭于庭。闈人為大燭于門外。賓醉。奏陔。遂出。

宗

詳見斯干

傳云。夜飲必于宗室。○朱傳云。蓋路寢之屬。○詩緝。燕禮云。膳宰具官饌于寢東。注云。寢路寢也。當從朱氏。

彤弓篇

彤弓

傳云。朱弓也。以講德習射。○左傳。甯武子云。諸侯敵王所愾而獻其功。王於是乎賜之彤弓一。彤矢百。旅弓矢千。以覺報宴。○禮記云。諸侯賜弓矢。然後專征伐。○孔疏云。弓皆漆之以禦霜露。彤弓周

旅音盧

禮當唐弓大弓。往體來體若一。合七成規。彤矢當周禮恒矢也。色以赤者。周之所尚。

### 饗

周禮大行人云。上公饗禮九獻。侯伯七獻。子男五獻。大國之孤視小國之君。掌客云。上公三饗。侯伯三饗。子男一饗。○聘禮云。公於賓再饗。賓介皆明日拜於朝。上介一饗。大夫於賓一饗。上介若食若饗。○禮記云。凡養老。有虞氏以燕禮。夏后氏以饗禮。殷人以食禮。周人修而兼用之。○仲尼燕居云。

禮有九焉。大饗有四焉。兩君相見。揖讓而入門。入門而縣興。揖讓而升堂。升堂而樂闋。下管象。武夏。籥序興。陳其薦俎。序其禮樂。備其百官。行中規。還中矩。和鸞中采。齊客出以雍。徹以振羽。○左傳云。饗有體薦。燕有折俎。公當饗。卿當燕。王室之禮也。又云。享以訓。共儉。燕以示慈惠。○皇氏禮記注云。饗有四種。一是諸侯來朝。天子饗之。其牲則體薦。體薦則房烝。國語云。王公立飫。則有房烝。其所云飫。即謂饗也。其禮亦有飯食。故春人云。凡饗食。共

其食米。則饗禮記兼燕與食也。二是王親戚及諸侯之臣來聘。王饗之。禮亦有飲食及酒。其酌數亦當依命。其牲折俎。亦曰殺烝。三是戎狄之君使來。王委饗之。四是饗宿衛及耆老孤子。則以醉為度。○儀禮疏云。受賓聘。享則於太廟。饗食則于禰廟。燕又在寢。彌相親也。周禮疏云。饗禮九獻者。謂後日王速賓。賓來就廟中行饗。饗者烹太牢以飲賓。設几而不倚。爵盈而不飲。九獻者。王酌獻賓。賓酢主人。主人酬賓。酬後更八獻。是為九獻。

右

傳云。右勸也。疏云。謂設享禮勸其功。○箋云。右之者。主人獻之。賓受爵。奠于薦右。既祭俎。乃席末坐。卒爵之謂也。○詩緝云。右與宥侑通。皆助也。莊十八年左。傳云。王饗禮。命之宥。注。以幣物助歡也。僖二十五年。二十八年。皆云饗醴。命宥。是饗禮必有賜以為宥。而彤弓則宥之大者也。

醴

傳云。醴。報也。疏云。為享以報功。○箋云。主人獻賓。

言名物疏 卷三十四  
賓酢主人。主人又飲而酌賓謂之酬。○孔氏云。酬有二等。既酢而酬賓者。賓奠之不舉。謂之奠酬。至三爵之後。乃舉向者所奠之爵以行之。於後交錯相酬。名曰旅酬。謂衆相酬也。

按嚴坦叔云。鄭以酬爲獻。但酬酢是燕禮饗訓共儉。爵盈不飲。未必有酬酢。此考之不詳也。周禮掌客。饗有九獻。七獻五獻之節。郊特牲云。大饗。君三重席而酢。三獻之介。君專席而酢。但其禮之儉。不若燕之四舉旅耳。安得謂無酬酢。

耶。

菁莪篇

莪

爾雅云。莪。蘿。○陸機云。莪。蒿也。生澤田漸洳之處。葉似邪蒿而細。科生。三月中。莖可生食。又可烝香。美味。頗似萋蒿。○廣志云。莪蒿。廩蒿。○本艸唐注云。葉似白蒿。花如瞿麥。紅赤可愛。子似王不留行。黑色作角。七月八月採。蜀本圖經云。葉似蛇床青蒿等。子角似蔓青。實黑。秋熟。所在皆有之。陳藏器

云。蘆蒿生高崗。宿根先于百艸。衍義云。角蒿。莖葉如青蒿。開淡紅紫花。花大約徑三四分。花罷結子。長二寸許。微彎。

按我蒿。一名角蒿。一名蘆蒿。陸機以為生澤田。陳藏器以為生高崗。其說之不同。若此。以詩文証之。陵阿則高地也。沚則水中也。然則澤田高崗俱有我矣。

百朋

箋云。古者貨貝。五貝為朋。疏云。漢書食貨志。有五

種之貝。貝中以相與為朋。非總五貝為一朋也。○食貨志云。王莽居攝。更作龜貝錢布之品。大貝四寸八分以上。二枚為一朋。直二百一十六。壯貝三寸六分以上。二枚為一朋。直五十。幺貝二寸四分以上。二枚為一朋。直三十。小貝寸二分以上。二枚為一朋。直十。不盈寸二分。漏度不得為朋。率枚直錢三。是為貝貨五品。

六月篇

常

傳云。日月為常。○周禮。司常。日月為常。巾車。王乘  
 玉路。建太常。十有二旂。以祀。大司馬。教治兵。王載  
 太常。司助。凡有功者。銘書于王之太常。○覲禮。天  
 子乘龍。載大旂。象日月。升龍降龍。○郊特牲云。旂  
 十有二旒。龍章而設日月。象天也。○鄭氏云。春夏  
 之田。用大麾。秋冬。建太常。王之自將。建太常。不自  
 將。建太白。○禮書云。常有三辰。升龍降龍。設崇牙  
 備弧矢。者為重牙以飾旒之側飾之以旄。垂之  
 以鈴。考工記曰。弧旌在矢。以象弧。明堂位曰。乘大

輅。載弧韜。左傳曰。錫鸞和鈴。爾雅曰。有鈴曰旂。則  
 太常之制可知已。太常不特祀天。至于拜日。拜月。  
 祀方明。禮四瀆。禮山川。秋治兵。冬大閱。皆載焉。然  
 常之三辰。則北斗而已。與衣服畫星辰不全。觀曲  
 禮曰。招搖在上。穆天子傳曰。天子葬盛姬。建日月  
 七星。蓋旗以指物。所畫不過北斗耳。

焦穫

爾雅。十藪。周有焦穫。孫炎曰。岐周也。郭璞曰。今扶  
 風池陽縣。瓠中是也。○寰宇記。焦穫藪。在京兆府

涇陽縣北十數里亦名瓠口。○溝洫志云韓水工鄭國說秦令鑿涇水自中山西抵瓠口爲渠。○朱傳云焦未詳所在。獲郭璞以爲瓠中今在耀州三原縣。○一統志焦穫澤在陝西西安府涇陽縣西北亦名瓠口蓋古之焦獲藪也。池陽廢縣在三原縣東北二十里漢時遺址畧存。

### 鎬方

鄭氏云鎬也方也皆北方地名。○王基云劉向曰千里之鎬猶以爲遠鎬去京師千里。○朱傳云劉向以爲千里之鎬則非鎬京之鎬矣未詳所在方疑卽是朔方也。

### 涇陽

箋云涇水之北疏云水北曰陽涇去京師爲近。○通典云今涇原州地並涇水之陽。○一統志涇陽在西安府城北七十里故城在平涼府界以居涇水之北故名。

### 織文

箋云織微織也將帥以下衣皆著焉疏云言微織

言名物疏 卷三十四  
者。以其在軍爲徽號之織。織與幟字同。以絳爲縵。畫爲鳥隼。又絳爲旒。書名於末。其制如所建旌旗。而畫之。著之于衣。自王以下。旌旒雖有等差。其徽織同長三尺。縵長一尺。旂長二尺。○周禮司常掌九旗之物名。各有屬以待國事。日月爲常。交龍爲旂。通帛爲旌。雜帛爲物。熊虎爲旗。鳥隼爲旟。龜蛇爲旐。全羽爲旞。析羽爲旛。及大閱。官府各象其事。州里各象其名。家各象其號。注云。物名者。所畫異物則異名也。屬謂徽織也。大傳謂之徽號。事名號

三者旌旗之細也。士喪禮爲銘。各以其物。亾則以緇。長半幅。頽末長終幅。廣三寸。書名於末。大閱禮象而爲之。兵凶事。若有凶事者。亦當以相別也。○大司馬教養舍。辨號名之用。帥以門名。縣鄙各以其名。家以號名。鄉以州名。野以邑名。百官各象其事。○呂東萊云。日月爲常之類。皆幟之文也。鳥章特其一爾。詩之所指。乃其建之旗。鄭氏所箋。乃所服之號。初非一物。

白



幌音芒

孔氏曰。白。謂絳帛。○尚書曰。舜修三帛。○周禮。漆人掌染帛。肆師。大祀。用玉帛。典命。諸侯之適子。未誓。以皮帛。繼子男。閭師。民不蠶者。不帛。職方氏。并州。其利布帛。幌氏。練帛。○坊記云。禮之先幣帛也。欲民之先事而後祿。○易曰。賁于丘園。束帛戔戔。○說文。帛。繒也。

白旒

毛傳云。白旒。繼旒者也。疏云。此旒而言旒者。散則通名。九旗之帛皆用絳。言白旒者。謂絳帛。猶通帛。

為旒。亦是絳也。○爾雅云。緇廣克幅長尋曰旒。繼旒曰旒。注云。帛續旒末為燕尾者。○曹氏曰。白旒。以帛續旒末為燕尾。戰則旒之。

按繼旒曰旒。出于爾雅。郭注所云。續旒末為燕尾。義見詩者。即此白旒。央央也。然則旒是旒身。旒是旒尾。考之詩圖。則一車中有二旒。其一旗。畫朱鳥。即織文鳥章。其一則旒。別自為一竿。有旌。有兩飄帶。其所謂緇廣克幅長尋。與燕尾之形。並無有焉。詩圖出于後儒。固不足信。不可據。

以疑爾雅。然此詩下文云。元戎十乘。以先啓行。則旆蓋建于元戎之上者。元戎軍之前行。凡師前朱雀而後玄武。恐不得建旆也。鄭氏以織為著之于衣。故孔氏解毛傳。繼旆曰旆。以為旗旆散則通名。此說經傳無文。毛意當是據爾雅。不得與鄭同也。左傳說旆多矣。杜氏注各不同。莊二十八年。子元闞御強闞梧耿之。不比為旆。注云。子元自與二子特建以居前。廣充幅長尋曰旆。繼旆曰旆。僖二十八年。狐毛設二旆而退之。

注云。旆。大旗也。建二旆而退。若使大將稍卻。又亡大旆之左旃。注云。大旆。旗名。繫旆曰旆。通帛曰旆。宣十二年。令尹南轅反旆。注云。迴車南向。旆。軍前大旂。昭十三年。合諸侯于平丘。八月辛未。治兵。建而不旆。壬申。復旆之。注云。建立旌旗。不曳其旆。旆。游也。軍將戰則旆。故曳旆以恐之。哀二年。陽虎以兵車之旆。與罕駟六車先陳。注云。旆。先驅車也。傅士凱反復其說。以事推之。知子元之旆。陽虎之旆。軍前大旂也。狐毛所設。與

言名物類 卷三十四 五 三万九  
亡大旆之旆。建而不旆之旆。大將所建大旗也。  
所云建者。旂之竿耳。如傳氏之說。則此白旆。央  
央者。即軍前大旂。故建於元戎之上。孔氏亦云  
軍行之次。旆最在先是也。若是繼旆之旆。乃後  
軍所建矣。旆之末不妨有旆。顧非此旆耳。至杜  
以旆爲旂。尤是臆說。旂如垂水之勢。數之多寡  
不同。非燕尾之形也。若杜此注。不從爾雅。則旂  
旂旣建。但結其旂。旗是大物。旣已建矣。反以旂  
之舒結爲戰不戰之候。晉之軍容。何太不彰明

乎。

元戎

司馬法云。夏后氏曰鈎車。殷曰寅車。周曰元戎。○  
毛氏云。元。大也。鈎車先正也。寅車先疾也。元戎先  
良也。○韓詩說云。元戎。大戎。謂兵車也。車有大戎  
十乘。謂車縵輪。馬被甲。衡扼之上。盡有劔戟。名曰  
陷軍之車。所以冒突衝啓敵家之行伍也。○王介  
甫云。軍前曰啓。後曰殿。元戎十乘。以先軍行之前  
者。所謂選鋒也。兵法。軍無選鋒曰北。

太原

書禹貢既修太原。顏師古曰。即今晉陽。○黃氏云。晉太原。大鹵。大夏。夏虛。晉陽。凡六名。○朱傳云。太原亦曰大鹵。今在大原陽曲縣。○穀梁傳云。中國曰大原。夷狄曰大鹵。○後漢西羌傳。穆王遷戎于大原。夷王命虢公率六師伐大原之戎。至于俞泉。宣王遣兵伐大原。戎不克。○大全注。太原即今太原府陽曲縣。隸山西。

鰲

籍物魚反  
狸其音反

周禮鰲人掌取互物。有甲物以時籍魚鼈龜蜃。凡狸

合刀之屬物。春獻鰲蜃。秋獻龜魚。○禮記云。水潦降。不

獻魚鰲。又云。水煩則魚鰲不大。又云。居山以魚鰲

為禮。君子謂之不知禮。又云。鰲去醜。○淮南子云。

鰲無耳而目。不可以管。精於明也。○博物志云。九

竅者胎化。八竅者卵生。龜鼈黿此諸類。皆卵生而

影伏。○古今注云。鰲一名河伯從事。○埤雅云。鰲

以眼聽。穹脊連脅。甲蟲也。水居陸生。養魚經曰。魚

滿三百六十。則龍為之長。引飛出水。內鰲則魚不

壽。○詩名物流。○卷三十四。○六。○六六一。

復去。故鰲一名神守。天地之性。細腰純雄。大腰純雌。大腰龜鰲之屬。以虵為雄。段成式云。甲蟲影伏。羽蟲體伏。今鰲伏于淵。而卵剖于陵。此思化也。內典曰。鶴影生。鰲思生。是則思生與影伏異矣。○雅翼云。易離為鰲。為蟹為龜。以其骨在外。肉在內也。至考工記。則以外骨為龜屬。內骨為鰲屬。以鰲外有肉緣。比龜為內骨耳。黿鰲之大者。濶或至一二丈。

### 膾

軒音憲

釋名云。膾。會也。細切肉令散。分其赤白異切之。已乃會合和之也。○禮記云。進食之禮。膾炙處外。又云。牛膾羊炙。魚膾芥醬。大夫燕食。有膾無脯。有脯無膾。膾春用葱。秋用芥。肉腥細者為膾。大者為軒。又云。牛與羊魚之腥。聶而切之為膾。麋鹿為菹。野豕為軒。皆聶而不切。麇為辟雞。兔為宛脾。皆聶而切之。切葱若薤。實之醢。以柔之。陳氏云。聶而切之者。謂先聶為大鬻。而後報切之為膾也。

門人周際會校

博音曼

又云半與羊魚之類。毒而食之。其毒。無餅餅春用葱。炸用芥。肉則酥。皆為餅。大者為擗。小者為餅。羊炙魚餅。茶醬。大夫燕食。有餅。無餅。其餅。亦會合味之也。○餅。謂之餅。食之。餅餅。多與。餅。又餅。各云餅。會也。餅。以肉令。餅。令其赤白異。餅。之。

餅

